

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Consideratio status damnatorum, quod actiones ipsorum
in primis malas, concernit**

Fecht, Johann

Durlaci, 1680

LXXXIV.

[urn:nbn:de:bsz:31-122744](#)

III.

tur, quibus è sede suâ motis, ipsum subrui Theologicum Systema
necessitatem est, luculententer, ut spero, apparebit.

LXXXIV. Jam quod secundò eorum concernit sententiam,
qui habituale quidem peccatum, & pravam voluntatem in da-
mnatis fore concedunt, sed illam tamen, quasi posito obice, repre-
mi ajunt, quo minus in illum actuale vitium, utpote blasphemiam
oris aut cogitationem etiam cordis, prodire possit; ea certè
tolerabilius est cœteris opinionibus, quæ vel ex peccato, etiam gra-
vissimo, rem faciunt omnino indifferentem, vel, ne forte peccare
possint damnati, omni actione eos exiunt, & in nescio quas crea-
turas inanimatas & sensu carentes transformant. Non diffite-
mur tamen, eandem nihil minus probari nobis nequaquam posse,
idque potissimum propter duas causas. Nam primò pleraque
omnia argumenta, quæ pro affirmante à nobis adducta sunt, pro
actualibus, non pro habitualibus tantum, peccatis concludunt,
sicut pañsim à nobis supra indigitatum fuit, & paulò post in exami-
ne corundem uberiori, latius ostendetur. Deinde præsens sen-
tentia, quā docetur, peccatum quidem habere damnatos, sed co-
ercitum, aut absurdam illam hypothesin supponit, ac si damnati
nihil prorsus acturi & æternum quasi inter atrocissima tormenta
in peccato habituali otium celebraturi sint, quod, quam à S. Lite-
rarum auctoritate & ratione omni alienum sit, suo loco, juvante
DEO, demonstrabitur: aut falsum & ~~quod~~ aliud, quasi, si vel
maxime agerent aliquid damnati & intellectu pariter atque vo-
luntate negotiarentur, actiones tamen istæ, vel quia legem non
habeant damnati, vel quia sine voluntariâ ~~negotiariâ~~ necessitate ad
agendum impellantur, humanæ atque morales non essent, sed in-
censum atque estimationem venirent earum actionum, quæ à feris
bestiis & rabidis atque insipientibus animalibus committuntur;
cujus rei falsitas §. XLIII. ob oculos posita est & in expositione hu-
jus paragraphi amplius ponetur. Quomodo enim fieri potest, ut
agant aliquid damnati & nunquam tamen ~~negotiari~~ agant? aut si mo-
raliter agant, ut neque bene neque male agant? At verò nihil ho-
rum, rem exactè expendenti, persuaderi potest. Relinquitur er-
go, ut non habituale tantum & otiosum peccatum, (et si & otio-
sum peccatum esse nunquam possit) quasi in sinu suo gerant & fo-

40-

veant damnati, sed ut actualibus etiam vitiis, tanquam pessimæ matris genuinis & improbis filiis, infernalem vitam commaculent atque traducant.

LXXXV. Ex quibus hoc simul tertio appareat, vero longè assimiliorem esse eam sententiam, quæ & habitu mero atque voluntate peccare damnatos inficiatur. Præterquam enim, quod eidem singula à nobis recensita argumenta efficacius etiam, quam priori, opponantur, ne quidem specie ullâ aliâ probabilis reddi potest, præterquam eâ, quod nullis legibus infernale regnum subjiciatur, sed damnatis privilegium quoddam universale competit, impunè & licenter quidlibet patrandi. Et insuper pleraque argumenta, quæ contra damnatorum peccata militare videntur, actuale duntaxat peccatum è medio tollunt, habituale verò illæsum relinquunt. Sicut de his singulis suo loco rectius monebitur.

LXXXVI. Intolerabilis autem est quartò eorum sententia, vel sententiæ verius monstrum atque portentum, quæ damnatis horrenda quævis scelera & flagitia adscribit & tamen hæc tanta crima veri nominis peccata esse negat. Quam enim indignum est, non dicam, homine, sed Christiano homine, ex virtutibus virtus, ex vitiis virtutes facere, aut certè utrumque actionum genus in ordinem redigere rerum, ex se & naturâ suâ prorsus mediarum, id est, tenebras in lucem & lucem in tenebras, atque adeò hominem in bestiam & bestiam in hominem convertere? Quid enim secundum hanc opinionem homo damnatus est, nisi animal malitiae & bonitatis moralis expers, hoc est, brutum? Præterea quam horrendum est, posse creaturam & creatorem & patrem & conservatorem & redemptorem & salvatorem & sanctificatorem suum, qui infinitis & innumerabilibus eandem sibi beneficiis devinxit, licetè & impunè omni contumeliarum & maledictionum genere non laedere, sed lacerare; posse verò D E U M justissimum hæc tanta creaturæ suæ in ipsum jaœta opprobria non pati tantum, sed approbare & amare? Quicquid enim peccatum non est, & est tamen, id DEUM non velle & approbare & amare, cum voluntate polleat, cuius essentia in appetitu boni & aversatione mali, & liberâ specierum utriusque electione consistit, tam impossibile est, quam